

# Swydd Ddisgrifiad



|                 |                                |                    |                                                  |
|-----------------|--------------------------------|--------------------|--------------------------------------------------|
| Teitl y swydd : | Prif Gogydd                    | Lleoliad :         | Gwersyll Yr Urdd, Glan-llyn                      |
| Adran :         | Cegin a Llety                  | Cyflog :           | Graddfa 3: £24,336 (Pwynt 1) - £27,190 (Pwynt 4) |
| Oriau Gwaith :  | 35 awr yr wythnos, llawn amser | Cytundeb :         | Parhaol                                          |
| Yn adrodd i :   | Rheolwr Gwersyll               | Rheolaeth Llinell: | Dim                                              |

## Prif bwrpas y swydd:

Cyflawni'r holl ddyletswyddau sy'n gysylltiedig â pharatoi a choginio bwyd o safon uchel yn ogystal â'r ddyletswyddau mwy penodol sy'n gysylltiedig â darparu gwasanaeth sy'n addas ar gyfer y gwersyll. Rheoli a goruchwylio gwaith cogyddion / staff arlwygo a lletygarwch er mwyn sicrhau bod gweithdrefnau a safonau'n cael eu gweithredu.

## Prif ddyletswyddau a chyfrifoldebau:

1. Cydweithio gyda'r rheolwr Gwersyll i gynllunio, cyllido a gweithredu system o fwydlenni helaeth i sicrhau darpariaeth o fwyd a gwasanaeth a fydd yn cyflawni anghenion cwsmer ac amcanion cyllidol.
2. Gweithredu a goruchwylio system o reolaeth diogelwch bwyd sydd wedi ei seilio ar egwyddorion Pwyntiau Rheoli Critigol Dadansoddi Peryglon (HACCP) i sicrhau bod y bwyd a gynhyrchir yn y gwersyll yn ddiogel i'w fwyta. Cadw cofnodion ysgrifenedig.
3. Sicrhau darpariaeth ddiogel ac iachus yn unol ag anghenion alergedd/anoddefiad bwyd/dietegol, cefndir diwylliannol neu greddau crefyddol.
4. Sicrhau y caiff archebion am fwyd, deunyddiau glanhau a chyflenwadau amrywiol eu gwneud yn rheolaidd ac yn gywir, a chadw rheolaeth ar stoc.
5. Cynllunio a choginio i niferoedd cywir gan arbed unrhyw wastraff bwyd.
6. Trefnu a goruchwylio gwaith cogyddion a'r staff arlwygo, darparu cymorth a cynghori.
7. Sicrhau bod glendid a safon y gegin a'r caban fwyta yn cael eu cynnal bob amser i gwrdd ag anghenion Iechyd a Diogelwch a Safonau Hylendid Bwyd.
8. Ymgymryd ag unrhyw gyfleodd hyfforddi yn ôl y gofyn, a chymryd cyfrifoldeb am ddysgu a datblygiad personol.
9. Dangos esiampl ag ymarferion da i'r staff eraill, gan gynnwys annog eu datblygiad personol a phroffesiynol.
10. Cydlynio gwybodaeth am trefniadau gwasanaeth, niferoedd gwersyllwyr, anghenion diet arbennig, hysbysiadau iechyd a diogelwch / diogelwch bwyd, rota gwaith a.y.b.
11. Ymgymryd ag unrhyw ddyletswyddau ychwanegol sy'n berthnasol i'r swydd yn ôl y rheolwr.
12. Yn absenoldeb Dirprwy rheolwr Cegin a Rheolwr Gwersyll, dirprwyo ar eu rhan i reoli staff arlwygo ar ddyletswydd



## Manyleb y person a'r meini prawf: Cymwysterau, sgiliau a phrofiad

*Nodiadau i ymgeiswyr:*

- I ymgeisio, mae'n rhaid llenwi'r ffurflen gais yn llawn, gan roi enghreifftiau i gefnogi eich atebion. Mae'n rhaid i chi ddangos eich bod yn cwrdd â'r holl feini prawf hanfodol i gael eich cynnwys ar y rhestr fer.*
- Ar ôl y dyddiad cau, ni fydd yr hysbyseb swydd hon ar gael ar ein Gwefan, felly cofiwch gadw copi ar gyfer eich cofnodion.*

| <u>Hanfodol:</u>                                                                                                                                                                                                                                                                                                                                                                                                                                                                                                                                                                                                                                                                                                                                                            | <u>Dymunol:</u>                                                                                                                         |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------|
| <ol style="list-style-type: none"><li>Profiad o weithio a rheoli cegin brysur, y gallu i coginio i safon uchel ac ymwynyddiaeth o sustemau Pwyntiau Rheoli Critigol Dadansoddi Peryglon (HACCP) ag hylendid bwyd.</li><li>Profiad o oruchwyllo, arwain ag hyfforddi staff / sgiliau gwaith tîm da.</li><li>Cymhwyster Hylendid Bwyd Lefel 3.</li><li>Sgiliau gwasanaeth cwsmer rhagorol a'r gallu i gyfathrebu'n glir, yn effeithiol ac yn broffesiynol.</li><li>Gallu gweithio'n drefnus, gweithio'n dda dan bwysau, y gallu i gynllunio llwythi gwaith</li><li>Sgiliau bod yn flaenweithgar</li><li>Agwedd hyblyg a pharod at waith, gyda synnwyr cyffredin i ymdrin â sefyllfaoedd sy'n codi.</li><li>Parodrwydd i fod yn hyblyg ar achosion am amserau shift.</li></ol> | <ol style="list-style-type: none"><li>Cymhwyster HACCP</li><li>Cymhwyster Alergedd / Anoddefiad Bwyd</li><li>Cymhwyster COSHH</li></ol> |

Newidiadau i'r Swydd Ddisgrifiad: Gall y disgrifiad swydd hwn newid neu gael ei ddiwygio ar unrhyw amser ar ôl ymgynghori â deiliad y swydd.

Hyblygrwydd: Tynnir eich sylw at y ffaith fod dyletswyddau a chyfrifoldebau penodol mewn rhai achosion yn anodd eu dadansoddi yn fanwl a gallent newid o dro i dro heb newid cymeriad cyffredinol y dyletswyddau na lefel y cyfrifoldeb.

Yn ychwanegol, mae'n ofynnol i bob aelod o'r staff dderbyn elfennau o hyblygrwydd yn eu dyletswyddau a'u cyfrifoldebau, a phan fo angen, cyfnewid er mwyn cyfarfod anghenion a gofynion y gwasanaeth sy'n newid yn barhaus. Bydd angen o'r fath yn galluogi i arbenigedd penodol y deilydd dyfu a datblygu er lles y cyflogwr a'r gweithiwr.

Adolygiad: Cyhoeddwyd y disgrifiad swydd yma ym mis Medi 2023 ac fe'i hadolygir yn gyson fel rhan o ddatblygiad yr unigolyn, ynghyd ag adolygiad perfformiad.



## CRYNODEB O'R TELERAU, AMODAU AC BUDDIANNAU (ceir manylion llawn yn y Llawlyfr Staff)

|                                     |                                                                                                                                                                                                                                                                                                                                                                 |
|-------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Teitl y swydd:                      | Prif Gogydd, Glan-llyn                                                                                                                                                                                                                                                                                                                                          |
| Cyfnod prawf:                       | Bydd cyfnod prawf o 6 mis                                                                                                                                                                                                                                                                                                                                       |
| Gwiriad GDG:                        | Bydd yn ofynnol i'r ymgeisydd llwyddiannus gael ei wirio gan y Gwasanaeth Datgelu a Gwahardd (GDG)                                                                                                                                                                                                                                                              |
| Archwiliad meddygol:                | Cedwir yr hawl i ofyn i'r sawl a benodir gael archwiliad meddygol cyn cynnig y swydd yn ffurfiol.                                                                                                                                                                                                                                                               |
| Cyflog:                             | Penodir ar Bwynt 1 ar y raddfa berthnasol, oni bai fod profiad/cymhwyster arbennig yn denu un pwynt ychwanegol. Yn Ebrill bob blwyddyn, bydd staff fel arfer yn symud un pwynt oddi mewn i'r raddfa gyflog hyd nes y byddant yn cyrraedd pwynt 4. Mae hyn ar yr amod bod aelod o staff yn gyflogedig gan y mudiad ar 31ain o Ragfyr a heb gyrraedd pen y raddfa |
| Gwyliau blynyddol:                  | Caniateir 25 niwrnod o wyliau blynyddol ac wyth niwrnod o wyliau cyhoeddus. Bydd y gwyliau'n cynyddu i 28 diwrnod ar ôl 5 mlynedd o wasanaeth ac yna i 33 diwrnod ar ôl 10 mlynedd o wasanaeth.                                                                                                                                                                 |
| Diwrnod Anrhydeddus Dydd Gŵyl Dewi: | Arwahan i'ch gwyliau blynyddol, mae gan staff yr hawl i gymryd Dydd Gŵyl Dewi i ffwrdd fel diwrnod anrhydeddus blynyddol. Caiff staff rhan-amser hawl pro-rata i'r diwrnod anrhydeddus hwn gan selio diwrnod llawn ar 7 awr                                                                                                                                     |
| Diwrnod Pen-blwydd:                 | Yn ychwanegol i'ch hawl gwyliau blynyddol, rhoddwn yr hawl i staff gymryd diwrnod eu Pen-Blwydd i ffwrdd fel diwrnod o wyliau blynyddol. Caiff staff rhan amser hawl pro rata i'r diwrnod hwn gan selio diwrnod llawn ar 7 awr.                                                                                                                                 |
| Pensiwn:                            | Bydd cyfle i ddewis i ymuno â chynllun pensiwn 6% yr Urdd ar unwaith, neu mae'n bosibl byddwch yn cael eich cofrestru i gynllun 'Ymgofrestru Awtomatig'.                                                                                                                                                                                                        |



|                   |                                                                                                                                                                                                                                                |
|-------------------|------------------------------------------------------------------------------------------------------------------------------------------------------------------------------------------------------------------------------------------------|
| Profion Llygaid:  | Byddwn fel mudiad yn derbyn cyfrifoldeb i dalu am brofion llygaid pob dwy flynedd i'r staff hynny sy'n defnyddio Unedau Arddangos Gweledol (VDU) am o leiaf 50% o'u hamser. Mae modd hawlio hwn drwy ei gynnwys ar ffurflen gostau arferol.    |
| Yswiriant Bywyd:  | Yn dilyn cwblhau 6 mis yn y swydd byddwch yn ymuno a chynllun yswiriant bywyd yr Urdd sydd yn cynnig yswiriant cyfwerth a 3 gwaith eich cyflog blyneddol trwy gydol eich cyflogaeth gyda'r Urdd hyd at oed 70.                                 |
| Disgownt i staff: | Mae modd cael gostyngiad o : <ul style="list-style-type: none"><li>- 20% ar nwyddau yn Siop yr Urdd i gyd.</li><li>- 50% ar wyliau i aros yn y gwersylloedd</li><li>- Tocynnau i Eisteddfod yr urdd</li></ul>                                  |
| Cynllun Beicio    | Wedi pasio eich cyfnod prawf llwyddiannus bydd modd i staff elwa o gynllun Beicio'r Urdd, sy'n gynllun aberthu cyflog mewn cydweithrediad gyda CycleScheme. Yn ddibynnol ar eich graddfa, gellir prynu beic ac /neu offer gwerth hyd at £3,000 |